


江南訪古記



江南訪古記 金陵

明故宮在城東南朝陽門內。今僅存遺址。宮內五龍橋。有古物保存所。陳列
歷代古物甚夥。

半寺在朝陽門內。地本謝太傅故居。亦為王荊公故宅。由城中至將山。此為
半途。故名半山寺。東即謝公墩。上有半山亭。與香林元烈亭。皆登半山亭
對月賦七古一篇。

訪古古南都。登高清興發。半山亭倚謝公墩。燕人對金陵月。離
禾黍半城秋。燈火微茫記市樓。六朝舊恨隨流水。新月如鉤釣旅愁。
俯仰興亡發深省。故宮歷歷直殘影。吾儕嗜古本無嗜。二子修名與天
永。虎踞龍蟠福殿中。數聲長嘯暮天空。神州又是行新法。敢議荊公

憶謝公

明孝陵在鍾山之陽。前有石翁仲。彫刻甚精緻。入門有清御碑。治隆唐宗
為康熙中
御北行至鄉賢殿。中供太祖遺像。更北穿隧道。登祭壇。遠望西南。依視城

內。閭閻歷歷可數。壇後土石成山。松柏錯植。即太祖埋骨處也。鍾山泉水甚佳。
與香弟小憩。品茶饗食殿之上。日色銜山。始歸。

鍾山又名蔣山。因山上時見紫雲。又名紫金山。形勢雄壯。蜿蜒如龍。登山四望。全
城在目。天堡城在鍾山西峯。中有破臺。勢最險要。上有浙軍紀念塔。光復
南京後。建築以誌戰功者也。

秦淮河在夫子廟前。挑葉渡在利涉橋東。橋跨河上。妓館多居其間。夏季
納涼甚宜。畫舫笙歌。引人入勝。與曙湖元烈香弟夜泛秦淮。賦五律一首。
嗚咽秦淮水。笙歌自昔繁。東鄰挑葉渡。遠隔杏花村。在處但吟詠。天

淮對弟昆。晚涼鏡勝事。畫舫引清尊。

周處臺為周孝侯讀書處。在南門外聚寶橋東。抵城接赤石磯。明初開拓
城垣。其半於城內。即今石觀音後之臺也。其上荒冢累累。間有松柏樹。

雨花臺在聚寶門外。其地有石子岡。產五色寶石。與香弟來遊。携歸五枚。
以為紀念。岡下有永甯泉。岡側方正學墓在焉。同治中李文忠撫蘇時重修。乃
墓于墓前立碣。其文曰。明方正學



先生與香弟墓前展拜口占二絕句。

石子岡前路。忠墳柳樹蒼。孝陵同寂寞。日夕下牛羊。袖携五色石。載馭第一泉。試煮代晚餐。使君可延年。

莫愁湖在水西門外里許。湖旁有鬱鬱金堂。中懸莫愁及中山王遺像。旁有勝茗樓。太祖與中山王賭棋。太祖茗敗。遂以此湖酬中山王。今常理湖產。猶為徐氏湖。澄澈荷香。乘衣人納涼。品茗。座客常滿。遙望清涼山翠色如滴。長江一線。風帆徐行。信可樂也。有詩紀遊。凡二首。

遠山對客青無語。蓮葉翻風香勝花。一代豪華浪淘盡。名湖還屬莫愁家。勝茗樓接鬱鬱金堂。輝映湖山有秋光。游客伊誰同吊古。我來不為品茶忙。清涼山在漢西門內。又名石頭山。古石頭城在其旁。掃葉樓建於山腰。即龍王半干半畝園也。今樓上猶懸半干掃帚。掃葉像。登樓覽長江。觀莫愁。風景之勝。如一幅畫。與香弟品茗。憑俯視樓下。菜圃蔬畦甚多。修竹萬竿。掩映茅屋。詢諸土人云。其園地每畝約值銀幣百圓左右。詩曰。

清涼山倚石頭城。掃葉樓前對半晴。便欲買田鄰半畝。學家好帶白雲耕。

烏龍潭。傳即顏魯公放生池也。西為駐馬坡。諸葛公嘗駐此。觀形勢云。雞鳴山上有雞鳴寺。本梁丘泰寺故址。景陽宮。建康宮皆在此處。登樓遙眺。鐘山清涼。如龍蟠虎踞。俯視玄武湖。鷗鳥漁艇。風景絕佳。臺城在寺之北。胭脂井在其旁。泉水清甘。與香弟品茗於此。賦五律一首。

臺城今在眼。佛寺話蕭梁。井汲胭脂古。湖開荷葉香。民方罷浩劫。我嬾禮禪王。忽。昏鐘動。歸途趁晚涼。

水西門外古橫塘。即在此處。石橋上即大街也。與香弟尋先世故居。不得其處。口占一絕。

尋幽緩步水西門。茅屋斜連隔水村。五百年來尋換劫。吾家故宅已無存。

弄溪一帶。茅屋臨水。所謂小姑祠。麗華墓。今皆不得其處矣。口占一絕。立馬青溪側。風前聽竹枝。游人空吊古。何處小姑祠。

南行一路田禾與北方無異。其相異處金陵以南種玉蜀黍者少矣。豆子向日葵高粱。蕎麥到處甚多。

黃河水與渭河水色略同。大江亦不甚清。秦淮水色清碧。惟帶腥氣。秦淮兩岸水高。半係塌家。半為茶社。夕陽向下。畫舫生歌。游人甚眾。

嶺南游記

廣東氣候非常炎熱。自四月至十月。熱度之高不減北方三伏。我來適值臘月。三日不雨。即須換單衣服。四季花不冬月並放。鳳尾蕉。榕樹。柳樹。檳榔。高至五六丈。竹竿高至三大許。牡丹。榴花。桂花。荷花。荔枝。山茶。鳳仙。草茉莉。波斯菊。之屬。到處盛開。民俗強悍。富于國家思想。重然諾。工藝甚進。為全國之冠。維持國貨。全市一致。販夫走卒。以至婦孺。錢幣不識字者。行編廣州市。絕少。滌牙好肉之輩。唯賭嗜賭博。畫則博作勤苦。夜則呼盧喚雉。動輒連日。江運舫之勝不減秦淮。人影衣香。江山媚嬌。勞動家多頭戴笠子。足著木屐。衣褐寬博。儂如古代畫圖中人。男子多長髮。髮及者。青年女子。亦絕無纏足。

者。生活程度甚高。客棧租價。上等每日三圓有奇。中等者亦需一圓五。僱黃包車。每里需銀一毫餘。城內街衢之狹隘。彷彿昔年北京鮮魚口一帶。石版鋪地。道路非常擁擠。初抵粵者。非乘肩輿。幾乎行不得也。海珠長堤一帶。馬路乃胡督漢氏于光復後興築者。旅館以東亞酒店。西濠酒店為最。飯店則南園最著。膳會費每餐每人約需三圓左右也。山珍海錯。不甚珍貴。蠔氣蚶。取以八錢。價格甚昂。是也。城北白雲山風景絕佳。南多山賊。未與一。北歸舟次福建廈門。停棧半日。廈門氣候。暑同廣州。商務繁盛。烟火萬家。山水特佳。白石燦。乍望之如覆積雪。樹木青蔥。行人至此。竟忘為冬月也。由上海搭輪船。出吳淞口。海水黃色。更南作淺碧色。至福建則深綠色。浪花起。霞現淺湖色。闊粵海面。皆深綠色。或黑色。風濤撲雪。雲垂山立。不可名狀。

新歲三日南園赤雅堂公誼呈諸同鄉

遊地來炎嶠。南園話苦辛。新年非故國。尊酒對鄉人。雨驟珠江暖。花繁瘴海春。歲時尤信好。吾輩莫傷神。

廣州竹枝詞十首

望遠問登北樓。炎方訪古足銷憂。摩挲刻漏思延祐。彈指興亡五百秋。拱北樓下銅滴漏元是祐中陳用和造

蛇蚓蛤蚧鼠狗等物粵人以之入。榕綠蕉黃竹栲烟。珠江氣候絕堪憐。時交三九花爭發。直似吾鄉五月天。花木四時不凋真北人見所未見也

得聞踏月東川路。老本穿雲盡本閒。迨步宋人劉子友。臘嘉平月納涼來。蔡條鐵圍山叢話云十有二月望劉子友納涼

畫船風月話無邊。尺半江魚入饌鮮。酒渴未須愁內熱。蕉香梅美不論錢。誰花滿樹雨昏昏。臘月佗城氣尚溫。閒過雙門求典籍。書香故接海王邨。城內雙門底各書坊在焉

殘冬留滯五羊城。燕客偏多物外情。覓句城東涼月上。綠陰地州蟲鳴。蟬

等蟲入夜鳴聲不絕如吾鄉七八月粵東冬日蚊蟲甚盛夜間不得安枕

惜無款侶共飛觴。欲就樊姬索酒嘗。回首中原供一笑。此身忘却在虞鄉。春衫綺麗剪芳紋。綉裝束春人態更嬌。暮雨滿江畔路。縱無離恨也魂銷。時士吾思廊志若。詩人選憶屈翁山。大均先民一去無消息。千古風流不可攀。

壽吳節母劉太夫人七十 原議院議員前四川民政長南豐吳君崇慈之母

早歲詩禮。中年誓柏舟。風騷窺杜老。經傳習春秋。二白格賢母全高節。即君競上游。華天揮隻手。報國復神州。辛亥光復吳君預其後教原無負。讓庭願已酬。東華先注籍。海屋更添壽。讀水徽音著。彭城世澤留。古稀膺祝嘏。寶婺燭丹邱。

滬寧路中雜詠 十二月廿一日 是日過雪

出花飛最有情。川原蒼翠臘寒聲。范寬絕妙丹青手。如此谿山畫不成。南翔

羨他松竹歲寒姿。掩映虛亭雪霽時。一片脩然塵外趣。看山欲賦紀行詩。崑山

半日客程八百。由滬至寧。觸寒供我清譚。長路不憚纒。飽看雪後江南。

楚竹露亭對雪。板橋流水潺湲。一片天然圖畫。沿途參微詩禪。

唐世齊開玉宇。雪晴人倚瓊樓。遙見孤城一瓦。敲詩忽到蘇州。

遠山迎客開新面。青嶂都成白玉堆。行過鎮江神健舉。朗吟飛度兩花臺。

地入龍潭天開群織圖。雲歸山翠飲。徑曲水平鋪。俗塵今逾急。吟清淡

若無。豐年誇富庶。應不減。姑蘇。無錫武進。

山水穀中賦北征。朔風吹雪助詩情。凍雲晚放斜陽出。一抹遙遙武進城。

才過奔牛埭。詩情向晚閒。人家映寒竹。碧影墜池臺。

溪河微漲不可涉。勁風似剪裁。雲葉無錫才。過景倍奇。雪花大白胡蝶。

炎嶠歸來客。艱危髻欲斑。北行開六口。拭目望金山。

重來六代帝王州。江上停驂滌客愁。獅子山頭有清月。照人今夜宿江樓。

詞下

蘇縣頻過屢問津。檀園詩妙景常新。還拳半被雲遮斷。六出花飛白似銀。蘇縣過雪

津浦路中雜詠

石在石下疎堪喜。過客何曾得暫停。一路殘陽烘積雪。亂山不語向人青。兩下店

今雪青不銷。齊魯了難分。石界田塍細。荒墟雞犬聞。山坳橫積雪。林杪冒寒

雲。夕涼颯起。沿村下牧羣。泰安道中

廣州過吳同欽約余市樓小酌

羊城歡聚首。把盞對新年。話舊真如夢。愛時欲問天。風塵非故我。飲咏定

前緣。來日重分手。相望瘴海邊。

送澄海頌連三

秉乾 華倫 穎喜 國先生 長公子 嘗侍乃翁 銜黃波使命 携應南洋華僑

送君殘臘赴潮州。忽向尊前動旅愁。我亦天涯淪落客。同心何日復同游。

嶺表逢時士。論文應素心。豪情如子少。意氣感人深。烏城雅集萃。神州歎陸

沈。他年燕市路。乘興肯相尋。

南洋記

十一月十五日啓程。是晚抵津。乘津浦通車南下。天氣晴暖。十六日陰雨。十七日早。點渡江。到上海。七點半。乘渡寧車南行。午後三點抵滬。寓五洲旅社三十九號。是日微雨。十八日雨。購書籍數種。午後二點。赴中華書局股東會。訪孫棟三未遇。十九日晤孫樹三。晚寄家書一件。致香孫介吾。子久各一。廿日晚寓。廿一日晚八點。搭新福輪船。是日未啓程。廿二日晚三點開船。廿三日雨。廿四日雨。廿五日午後抵香港。一點與寶慶揚子知。李少耘。龍偉。晨吉卿。寶弟。游香港。風景清幽。四點半回船。五點半開行。廿六日晴。早抵黃埔川。泊舟終日。黃埔為省河要津。近為輪船停泊所。即韓昌勳商。廿七日晴。早六點抵廣州。乘艇于渡江。登岸寓海珠長堤廣泰來。旋赴大沙頭眾議院秘書廳。是日星期。停止辦公。因訪李惠周。乘恕。溫夫英。赴雙門底購書。

廿八日。惠周來。又訪溫夫英。三魁廷。吉吉。王君。偕余赴秘書廳報到。領到徽章。及各項章程議案。寄家書。赴雙門底購書。

廿九日。赴雙門底。遇同秋於廣州市。晚向同秋約余與吉卿寶弟先施公司飯廳便酌。同席者尚有澄海賴君連三。收到公費二百元。

三十日。雨。是日為民國八年元旦。午前十點。赴國會行團拜禮。十一點半開會。向國旗三鞠躬。同人相向一鞠躬。禮畢。茶點。談話。散會後。赴城內同樂園。山東酒館。酌向秋吉卿。寶弟。已在座相候矣。飯罷。同秋挈家屬赴汕頭。午後二點。赴軍政府東園茶話會之約。並攝影以為紀念。晚寄家書。又寄數父子久香孫介吾各一函。

十二月初一日。晴。赴七敏廠。訪同鄉諸君。該處為中山元帥府。今作團會議。真公寓。王嘯雲來訪。

初二日。午後一點。赴同鄉南園耆雅堂公議。是日晴。

初三日。晴。與賴連三吉卿。寶弟。赴雙門底一游。購詩人小傳一部。月色好。

初四日。團會放假。初五日。團會放假。

初六日。寄回秋函。赴雙門底購書。是日。憲法會議。余第一次出席。
初七日。赴迴龍社同鄉會議。旋又赴東園兩院議員談話會。是日。復兩迴
龍社。即康南海宅。南海因後府難登。該宅遂被收沒。今為國會議員
公寫。

初八日晚。與寶弟。吉卿。城內散步。月色好。

初九日。晴熱。赴院議。訪惠周。馬化。文煥。是日。換軍衣服。

初十日。午前。連三約。余與寶弟。吉卿。市橋。小酌。伊下午返汕頭。午後二點。赴
院議。是日。晴暖。晚與寶弟。吉卿。東川路散步。遙望白雲山。悠然神往。

十一日。赴雙門底。晚海珠戲院。願曲。

十二日。赴士敏土廠。公寫。晚與龍信。辰寶。南吉。卿。先施公司。小酌。海珠戲
院。願曲。陰晴不定。

十三日。赴國會。午後搭綏陽輪船北歸。晚六點。開船。十四日。抵香港。
港。十五日。十六日。抵廈門。

十六日。早八點。抵上海。二洋。汪長發。棧。訪孫林三。購書若干種。是日。晴。
寄吳鵠林。宗慈。暨同鄉書各一件。由干頃堂代發。

二十日。乘滬寧車。赴金陵。夜宿下關。月色好。

二十一日。早起入城。訪香孫介。吾因赴山東館。酌。飯後與寶弟。吉卿。香孫
介。吾。同訪。羅。卿。兄。暢談許久。遂同出城。晚渡江。搭津浦車北歸。抵
時。已晚六點半矣。

二十三日。早六點。抵津。購書數種。早飯後。言旋。八點。抵家。

中華民國八年南游日記

己未二月十三日（新曆三月十四日）與寶弟由家起程赴津。即日搭津浦通車南下。

十五日早六點抵浦口。渡江寓下關天寶棧。旋入城訪香孫介吾。是日同游夫子廟前。登貢院明遠樓。即晚出城回寓。

十六日搭滬寧車南行。晚七點抵申。寓上海樓八號。

十七日晴。移寓孟洲旅社二樓四十六號。

十八日風。天氣甚涼。

十九日晴。寄家信。赴法界愷自邇路國會議員通訊處。又訪孫伯蘭。因和局停頓。發聯名通電。宣文如下。

各省督軍省長護軍使各師長各旅團長省議會商會教育會各報館各團體公鑒。天下最痛心之事。無過於賣國以賣國所得之金錢武器即以此殺同胞。此實有史以來所未有之鉅變也。致祺

瑞之當國也。援引著名通日之曹汝霖陸宗輿等為腹心。密輸誠於日本軍閥。專使絡繹。密秘進行。及齋藤中將來京。而具體之賣國契約於以成立。段氏持有日本軍閥之援助。於是圍攻議會。放逐元首。組織造亂機關。大膽進行。毫無顧忌。致釀此次護法之戰爭。一年以來。借日債至三萬萬之多。購軍械至四千萬之鉅。引鬼入室。為虎作倀。舉我國之軍事警察銀行鐵路礦產森林之一切權利。竭誠餽贈。毫無吝惜。餉械既足。遂逞兵威。戰鬪頻年。殺人盈野。軍旅所至。閭里為墟。我同胞之轉徙流離。委填溝壑者。殆不可以數計。賣國愈進步。戰事愈激烈。而我民之受苦乃益深。劉建藩等函吳佩孚曰。此次戰事。非南北之戰。乃中日之戰。決非過言也。幸天心悔禍。歐戰告終。遠東勢力。非日本所能霸據。賣國計畫。遂生頓挫。使段氏稍有人心。知難而返。則一線之國脈。或可希望保存。不意賣國精神。至死不變。竟於戰終了後。又訂之二千萬之參

戰借款。聘用日本武官。編練國防軍隊。舉濟順高徐膠濟之鐵路權。拱手而贈諸異族。逮歐洲和議代表陸徵祥等。提議取消中日協約。得英美各國之同情。上海和平會議。復以取消國防軍。停止參戰借款。向北廷一再抗議。我若宣示廢棄。即可消滅無形。而北廷始終堅持。多方辯護。錢能訓所覆麻電。一味蠻橫。必使賣國條約完全成立。而後快。其真別有肺腸矣。數月來日本軍械。運往北京者。已有數批。參戰借款。復提取六百萬之鉅額。最近三月一日。復與日本訂立時效條約。當國民力爭廢約之際。北廷必欲加以保證。擔任履行。賣國詭謀。務求貫徹。任參之內。其足食乎。歐戰結局。美總統威爾遜宣言。凡國際上不平等之條約。一律廢除。為此次和平會議之基礎。故祺瑞勾結日本之賣國條約。自無存在之理由。惟段氏盤據京師。把持政柄。必欲實踐前約。以結日本歡心。故欲達廢約之目的。必以去段為前提。我國民如承認段氏之賣國也。則亦已矣。

否則急起直追。共圖挽救。人民為國家之主體。甯能坐待危亡。軍士為社稷之干城。豈容擁護國賊。以四萬萬之民族。而謂不能除一漢奸。此真我國民之耻也。嗟乎。無李完用之媚外。朝鮮何自而亡。無張邦昌之附金。宋室何由南渡。况復擁兵亂國。破壞和平。廢天不誅。魯難未已。若再苟安姑息。必致大局分崩。一旦戰雲再開。必致池魚受禍。干鈞一髮。繫於此時。我國民實圖利之王法勤。馬鍾瑋。王乃昌。李燮陽。姚桐豫。陳家鼎。方潛。牟琳。楊銘。源唐寶。錫黃。汝鑑。鄭銜之。李鈺。陳九韶。周振鐸。彭介石。陳榮。盧傳。夢象。丁象謙。褚輔成。陶曾昭。斌。溫世霖。許森。馮振。驥。劉成。楊。茅。祖。權。叩。皓。廿日晴。溫君支英。赴到伊寓。便酌。王之齋。同坐。

廿一日陰。游新世界。

廿二日陰。雨。晚約溫君支英。鴻賓樓小酌。

廿三日陰。王之齋。張馨吾。來寓。余出門未歸。投刺而去。晚亦舞臺聽戲。

廿四日、下午寄家信羅詩一冊、晚六點大風涼甚、乘小舟渡浦東、搭德安輪船、夜宿舟中。

廿五日、早八點開船、風陰。

廿六日、夜雷雨交作。

廿八日、下午四點、船泊香港、雨。

廿九日、夜雨、早六點開船、下午二點抵粵、下船過雨、乘小艇赴長堤。

三點登岸、寓泰安棧、是日禮拜。

三十日、移寓廣泰來。

三月初一日(新曆四月一日)陰雨、早十點寄家信、及香孫介吾子久敦文

等各一函、赴兩院聯合會。

初二日晴、赴秘書廳、收成費。

晚五點雨中、移士敏土廠、公寓前樓下

第五號。

初三日、與馬化封王廳、廷李逸岑、寶甫、南園修禊。

初四日、晚赴海珠戲院聽戲。

初五日晴、赴兩院聯合會。

初六日晴、是日清明、十二點半過海、赴二望岡、公祭滇軍將士墓、晤李

根源君、是日晴熱、禮成茶話而散。嶺南士女、出城掃墓、絡繹不絕於

途。摩肩擊掌、殺幾至斷絕交通。

清明公祭二望岡滇軍將士墓和友人韻

踏青二望岡前路。剪紙難招旅客魂。壯士裹屍還馬革。國殤埋

骨倚沙墩。直將熱血培元氣。獨對青山拭淚痕。八載神州堪浩嘆。

生民憔悴復何論。

嶺南清明次李芷洲韻

無端客裡度清明。懊惱鶯花觸別情。萬里松楸憶燕國。殘春留

滯在羊城。飄零自笑同蘇季。落魄何人似長卿。賴有吟朋相慰藉。

敲詩不厭到深更。

才過冷節又清明。不盡思鄉弔古情。柳絮吹香楊子宅。番禺縣河南一帶相傳為漢議郎楊子故居。

刺桐含笑粵王城。禁烟故事悲陳迹。賜火空傳到列卿。覓句芳郊暈去晚。滿江風月報初更。

炎洲作客逢佳節。臨水登山啟斷魂。遙望浮邱仙子宅。浮邱山在府城西相傳浮邱先生得道之所。

漫尋朝漢尉佗墩。趙佗嘗於番禺城北因岡作臺朔望陞拜名曰朝漢。花明雲岫藏春色。雲岫在白雲山安期生沖舉於此。州絲羸腰沒燒痕。解通人生行樂好。從來世事不須論。

初七日晴。與化封隨廷寶甫游大新公司。登十二層樓。俯瞰城市。一覽無餘。

初八日晴。

初九日晴。

初十日晴。午後大風雨。

十一日雨。

十二日雨。收歲費。赴東園兩院議員談話會。晚晴。收到家信一件。

十三日雨。寄問秋函。晚大風雷雨。

十四日雨。

遣興

壯不如人奈若何。愁來只誦飯牛歌。萬里重游嶺外客。一春半在

夢中過。炎洲地溼多風雨。珠海花明勝綺羅。獨倚危樓閒望遠。白雲山色助吟哦。

十五日陰涼風。赴東園蔡濟民君幼香追悼會。

十六日陰雨。

春日

世第關心袖手難。興來高處一憑欄。連朝積雨逢新霽。乍換春衣怯暮寒。詩思不離修竹徑。笛聲時出釣魚灘。酒瓶晚向花前倒。聊藉麴生暖肺腑。

春日和李芷周參議韻

二十四番風。東皇點綴工。蕉心抽嫩綠。花蕊展新紅。客去門常掩。朋來酒不空。書懷無妙句。未敢和崔峒。

十七日陰。

十八日雨。午後寄家書。并德修函。與化封。颺廷逸。岑夜話。談及經
驗藥方。錄之如下。

小兒生三日後。服三黃湯。可免抽風。

黃苓 黃連 黃柏各一錢。煎一酒盞。用棉花蘸服。

治喉症。

異功散

天津大胡同天乙堂製者佳

治小兒疳子固結不出。

黑牛屎。用水調開。澄清去滓。服之甚效。

治蝎子馬蜂螫方。

用亞_{一作阿}摩尼垂水塗之即愈。

烏金丸。治產後風。

大黃 百艸霜 二味相等。陰陽灸成炭。存性用飛羅面糊

團丸。

治脚氣。

撒酸燒酒瀉塗之。癬疥腎囊作瘡。并治

治吞砒毒。

防風四兩研末服。

治服一切毒藥。鴉片砒霜之類。

白鴨子血灌之。嘔出即愈。

治小兒蟲腹疼。

山豆年服之。山豆。年。日本藥也。

治婦人經血不調。

服熟猪血一杯即愈。

治陽具頭腫。

大芙蓉花煎湯服如下線腫以花莖煎服

以上驗方

治牙疼。禿瘡紅爛眼。

猪肚子熏之其毒即出

蛇帶瘡。

用烟袋油塗之即愈

治吞針方。

服蝦蟆眼二個即下下時針兩端各穿一眼亦異事也

救急症。如緊痰厥等。

用明啡孔之可救危急。凡一切危急症均可孔之以緩病勢再

診治之

十九日雨接香弟信。赴西聯合會。

閒意

萑占閒庭半畝陰。綠雲低護卮堂深。風回花片堆莎徑。晝靜

琴聲出竹林。問字有時來舊友。捲簾無事對遙岑。郊原見說

新苗長。天為蒼生早作霖。

廣州雜詩

榕陰滿地絕纖埃。時向城南訪古來。一帶人家如畫裡。小樓臨水

簷窗開。

春江月夜畫船多。燈火笙簫水上歌。畫女妝成無個事。晚涼喚客

勸游河。

羊城地溼多淫雨。終歲飢蚊吼若雷。春夏秋冬渾莫辨。菊花巖桂

四時開。

春雲漠漠雨絲絲。鄉夢依稀睡起遲。燕客未須愁寂寞。桃柳林下

好尋詩。

客懷多向晚涼閒。岸幘披巾覓句回。兩岸樓臺天不夜。海珠月滿

看潮來。

渙家聚族自成村。樸陋堪憐古趣存。剝取杉皮葺四壁。蒲葵覆屋水侵門。

暇日尋芳放艇。嶺南難得是晴天。素馨開遍東西埭。真個栽花當種田。

長堤盡處是西濠。海客乘潮駕小舸。風味別饒堪適口。市樓下酒進生壕。

古寺閒過訪六榕。禪林亭午綠陰濃。惜無妙句追坡老。斜倚僧樓望遠峰。

白雲欣到白雲山。只恐山靈笑我頑。載酌甘泉滌煩慮。却忘身已落南蠻。

廿日。是日與鵬廷芷洲寶甫弟游花田。醉觀樓小酌。購枕椰蒲葵素馨榕樹以記。花田一名花埭。在府城西。地近白鵝潭。南漢時美人葬

此。今賣花者聚居焉。素馨花香甚於他處。接子久信收到家

信一件。

與王鵬廷李芷洲寶甫游花田諸家園林

半生夢想不到處。勝侶相携欣過之。野水爭流新雨後。羣芳競秀莫春時。香先入座勸沽酒。山色滿樓齊索詩。臨風何限

思古興。扁舟逆棹無妨遲。

廿一日晴。

廿二日。午後大風雨。赴西院聯合會。

廿三日晴。接敦文北京函。

思歸。時寶甫弟回峯嶺南。

萬里思歸客。尋詩趁晚春。鷺花齊作態。兄弟自為鄰。報國丹心壯。憂天白髮新。何由洗兵馬。寰海靖烟塵。

江頭散步

散步江頭薄暮。遠山過雨翠千堆。五羊仙子今何在。萬里鄉
書久不來。世事浮雲看變幻。好花留客獨徘徊。甄生自無拘
束。到處長吟亦快哉。

廿四日收歲費。寄家信。收問秋函。

廿五日陰。

廿六日。游嶺南學校。漱珠岡純陽觀。純陽觀在河南漱珠岡。
地近盧循故城。宋之萬松岡也。古松怪石。溪山如畫。嘉慶乙卯。
羽士李青來。始建為道院。阮文達與青來時相過。從為題觀
額。大字甚佳。啟土建觀時。鋤得茯苓數石。皆巨如斗。青來服之
年八十神氣不衰。青來精算法。著有圓天圖說。皆祖述利
瑪竇南懷仁之言。間採梅定九之說。阮文達為刊行之。
廿七日。與颺廷化封逸峯張越鍾宋富三寶甫。重游漱珠岡。五鳳里
一帶。與寶弟游漱珠道院。日語同人。皆慕其風景之勝。次日寶棹

偕往。珠江麗娘。駕双小艇。盪槳如飛。舊地重來。倍覺怡情。入門雅
花靛郁。清氣逼人。花陰小憩。羽士煮茗。餉客。現後有臺。青來
禮斗處也。亭午。登臺眺望。山水環抱。樹木葱鬱。超然生塵外之
想。日色銜山始歸。逸峯並攝一影。以為斯游紀念。

漱珠岡

青鞵踏遍河南路。十里谿山草木香。行過石橋流水急。松風怒撼
漱珠岡。

廿九日晴。赴黃花園。公祭七十二烈士。獻香花二分。是日甚熱。致子久
函。致英藹林函。索清詩徵序。收藹林回函。

公祭黃花園七十二烈士墓

清季失其政。國士灑碧血。壯氣塞兩間。不與身俱滅。藏形青山
阿。黃華耀高節。後世仰儀型。千春表芳烈。憑茲自由魂。醞釀熱
血熱人心。終不死。魁起有俊傑。禹域既光復。英雄事借籍。同室

忍操戈。八載悲覆轍。山河破碎餘。何日謀建設。英靈如不昧。泉下皆應裂。我來崇岡前。再拜聲嗚咽。一瓣奉心香。安用壺觴列。蒼生因倒懸。國事那堪說。魂兮盍勿來。補此金甌缺。是日各界士女與祭者甚眾並有西人獻花

四月初一日(新曆四月三十日)晴。

初二日晴熱午後大風而天氣陡涼。

初三日風涼收成貴。

初四日天晴涼爽游嶺南學校。雪桂橋是日同遊者實弟及李鈍生也途中見叢竹發花折取一枝以歸。

嶺南殘春游河南村落用劉子明韻

殘春游嶺南村。到處行吟載酒尊。細香風吹荔子。修竹長龍孫。野橋跨水雲遮路。茅屋沿溪樹倚門。信步所之志遠近。勸來趺坐古榕根。

初五日晴與融廷化封游六榕寺。出小北門登觀音山。化封年近七旬。健步如飛。游覽終日無倦色。

旬。健步如飛。游覽終日無倦色。

六榕寺

尋幽間過梁朝寺。猶有浮圖插碧空。歷六榕無一樹。臨風惆悵憶髯翁。六榕寺在西城花塔街。梁大同三年。曇裕法師於西城求得釋迦舍利。奉敕建塔於廣南。賜號寶莊嚴。唐王勃嘗撰舍利塔記。宋端拱中。重修修治。改名淨慧寺。後燬于火。元祐五年。即人建復之。蘇子瞻謫惠守。嘗遊其寺。題曰六榕。今題額尚存。古榕無一株矣。南漢時。上元中秋。輒登塔燃燈。以祀豐稔。號曰賽月燈云。

暮春日登城北山

五羊城北登臨客。故國天低望不真。一縷新愁正無賴。強尋詩句餞殘春。

初六日晴赴西院聯合會。